



**Bible Châng Thlûr Bing Tûr: 1 Petera 2:9.**

**THEN 1-NA: ZIRLÂI TLÂNGPUI THLÎRNA**

Israel-te kha Pathian hnam thlan niin, an thlahtute thuthlung rochuntu chu tho mah se, an thlahtuten an lâk thu tak angin anni hi chuan an la thu tak ve tlat thîn lo. An zînga tam takin an thlahtute thil lo tih sual tawh ang bawh kha rawn tisual ve lehin, anmahni nun ngeia Pathian thuthlung pawimawhna pawh an hlamchhiah ta thîn a. Chuvâng chuan, Pathian pawhin a fa sual tak takte lak aţang hian a mi rinawm la bângte chu a suan chhuak leh ta nge nge a ni.

**THEN 2-NA: ZIR ZÂUNA**

**Mi zawng zawng chungah**

Deuteronomi 28-ah leh Isaia, Jeremnia, Zefania leh zâwlnei tê an tihte lehkhabu eng emaw zâtah hian Israel mite hnênah khân Yahweha laka an rinawm leh rinawm loh azira thuthlung thutiamte pêk a nih thu kan hmu a.

Amaherawhchu, Daniela 9:25–27-a kan hmuh Lal Messia, Isua thihna khân Juda-te leh Gentail-te hnênah inang rengin thuthlung thar chu a rawn thlentîr ta a ni. Tûnah chuan mi tu

pawhin Isua a rin chuan thuthlung thutiamte hi an lo nei thei ta a. Israel-te zîngah khân mi tam takin Pathian rinawm lohsan mah se, Pathian chu a mite laka a rinawm reng thîn thung.

### **Ram inpêkna**

“Thuthlung Hlui lehkhabute hian Israel-te leh an hnam thlahtu bulte hnêna tiam ram kha Pathianin a mite a khawngaih avânga an hnêna thilthlâwnpêk a hlan emaw, malsâwmna a pêk emaw angin an sawi a (Genesis 12:1, 7; 13:14–17; 15:18–21; Deuteronomi 1:5–8; Sâm 44:1–3). . . . Chuvâng chuan ‘Israel hnam hian an luah ram hi anmahni duh dân dânin a ti ngawt thiang lo va, an ta bil ang pawhin a ngâi thei hek lo.’ A awmzia chu, Israel hian ram an nei hran lo tihna a ni. . . .

“Ram chu Israel hnêna khawngaih thilthlâwnpêk chu ni tho mah se, LALPA thu a âwih a nih chauhin LALPA ramah an chêng emaw, awm emaw thei a (Deuteronomi 4:40, Isaia 1:19 en rawh). Thilthlâwnpêk chu a Petu tel lovin dawn theih a ni lo.”—Hans K. LaRondelle, *The Israel of God in Prophecy: Principles of Prophetic Interpretation* (Berrien Springs, MI: Andrews University Press, 1983), p. 136.

### **Israel leh thuthlung**

Thuthlung thutiam ziarâng pakhat, langsâr vak ni si lo chu “zâwm la, tichuan i nung dâwn nia; i zâwm lo a nih erawh chuan, i thi thung ang” tih a ni. Hmâsâng Israel-te tân kha chuan, he thupui hi Thuthlung Hlui lehkhabute-ah hian a inphûm chhuak vek a, chu mai ni lovin, Thuthlung Thar lehkhabu-ahte pawh hian a rawn lang ve leh bawk. Adama thuthlung ațanga thuthlung thar thleng hian Yahweha thupêk leh thiltu te chu Pathian thutiamte nênzawm vek a ni a. Israel hnam ropuina leh an ram a zauh zêl theihna tûr thutiamte chu thuthlunga an rinawm leh rinawm lohah a inngat. Chûng Israel tâna thutiam, an hnam hmâkhua leh hnam dang laka an chungnun bîkna tûrte chu thu an âwih leh âwih loh dânah a inngat tlat bawk a ni. Kawng

khatah chuan, mihringte duhthlanna siam chu eng pawh ni se, Pathian thupêk chu Pathian thutiam lo thlen famkimna nghîng thei lovah chuan a inngat tho tho dân a. Chutih rualin, Pathian chuan a thutiamin a tum tibuai zâwna mihringten duhthlanna an siam pawh a phal tho bawk si niin a lang; mahse chutianga duhthlanna an siam a nih chuan a nghawng ̄ha lo tak an tuar ̄hîn thung a ni (*Gen. 2:16, 17 en la*).

### **A la bâng chu**

“Thuthlung Hlui zâwlneiten ni hnuhnûnga Israel mi la bângte chanchin an sawi rêng rêngin, chûng mite chu mi rinawm, sakhaw mi, ‘thuthlung thar’ beh chhana thinthlung thar nêna Pathian chibai bûktute an ni zêl ̄hîn (Joela 2:32; Zepfania 3:12, 13; Jeremia 31:31–34; Ezekiel 11:16–21).”—Hans K. LaRondelle, *The Israel of God in Prophecy: Principles of Prophetic Interpretation*, p. 90.

### **Thuthlung Israel**

“Hê hun hnuhnûnga mi rinawm la bângte hi hnam zawng zawng zînga Pathian thuhretute an lo ni ang a, chutah chuan eng hnam pawh, Israel mi ni ve kher lote pawh an tel ang (*Zekaria 9:7; 14:16; Isaia 66:19; Daniela 7:27; 12:1–3*).

“Thuthlung Hlui lehkhâbuten hun hnuhnûnga Pathian mi rinawm la bângte chanchin an sawi hian Israel hnamin thuthlung malsâwmna an dawn tûrte kha a pum pui thu chuan a la thleng famkim ngei dân a; a thlen famkimna tûr erawh ring duh lo Israel mite-ah ni lovin, Yahweha laka rinawm leh a Messia-a rinna nghat tlattu Israel-te-ah chauh a ni ang. He Israel mi la bângte hi Gentail hnam hrang hrangte zînga mi rinawm la bângte nêan an inzawm ang a, chûng mite chuan Pathianin Israel hnam a thlan chhan kha an hlen chhuak dân a ni.”—Hans K. LaRondelle, *The Israel of God in Prophecy: Principles of Prophetic Interpretation*, pp. 90, 91.

Thil pawimawh tak kan hriat tûr awm chu, Pathian hian a hnam pum pui angin tu mah hnâwl a nei lo tih hi a ni s. Mi zawng zawngin—Juda an ni emaw, Gentail an ni emaw pawh ni se (Juda-te thlang hmasa phawt tho mah se), Isuaah chhandamna an hmu thei vek a ni. Mi tuten emaw Juda mi ni tawh phawt chuan Juda an nih avâng hrim hrimin Pathianin a hnâwl tawh alâwm tia an sawi ðhin hi Pathian Lehkhabu-in min zirtîr dân nên chuan a inkalh tlat. Paula chuan heti hian a lo sawi a: “A nih leh, Juda mi nih chuan sâwtna eng nge a neih chuan bîk? Serhtan pawh eng nge a sâwtna? Kawng tinah a sâwt hle; Pathian thute an hnênah kawltîrin a awm avâng a ni ber a. Mi ðhenkhatten rinna nei lo mah sela, eng nge maw ti chuang le? An rin lohna chuan Pathian rinawmzia eng mah lovah a siam chuang em ni?” (*Rome 3:1–3*).

A ring lo chu *mi ðhenkhat* chauh an ni a; mahse mi tam takin an ring tho tih hi lo hria ila. Tin, hêng mite, hêng Isua ringtu Juda-te hian Gentail mite nên kohhran hmasa kha an din a ni. Dik tak phei chuan, kohhran hmasaa member tam zâwk kha Isua ringtu Juda-te an ni nghe nghe asin!

Sawi tawh angin, Pathian hian a hnam pum angin tu mah hnâwl a nei lo, a chhan pawh chhandamna hi a hnam pum ang zâwnga lo thleng a nih ngâi loh vâng a ni. Juda kan ni emaw, Gentail kan ni emaw, keimahni duhthlanna siam ang zêl leh a mi mal angin chhandam kan ni emaw, kan boral emaw a ni ang.

### THEN 3-NA: NUNA BEL TÛR

**Ngaihtuah zui atân:** Eng hnam pawh hian an thlahtute an hre reng ðhin a. Thlahtute aţanga ngaihsânawmte chuan duhsak an hlawhin hûhâng pawh an nei lian deuh nge nge ðhin bawk. Bible hun lâi pawh khân mite chu an thlahtute aţanga chhui leh hriat an ni ðhin a. Abraham a “thlah” nih chu Juda-te tân chuan inchhuanna tham leh thil ngaihsânawm tak a ni.

- ❶ Thlahtute chhuiin pawimawhna a neih êm êm lâi hunah khân Pathian leh mihring inkâra inlaichînna siam tûrin thuthlung hi eng ang taka pawimawh nge a nih? Pathian nêna kan inzawm dân hian mi dangte nêna kan inzawmna kawngah eng tiangin nge hna a thawh? Thuthlung hmanga Israel hnam leh Jehova inlaichîn dân a tang khân keimahni leh Pathian inlaichîn tawna tichaktu tûr eng zirlâite nge zir chhuah theih kan neih?
- ❷ Isua khân a hun lâia miten ngaih dân nghet sa an lo neih ngawt thîn chu thiahsak tumin thu dik awm sa eng eng emaw a sawi chhuak thîn a, entûr nân, mi sualte leh mi felte chungah nî a chhuak ve ve (*Mat. 5:45*) tih ang chi te kha. Hetianga Pathian mi thlante ngei pawh thu dik awm sa a hrilh hian anmahni ringawt inngaihtuah thîn an nihzia a tilang chiang hle a. Keini kohhtran pawh hi mahni chauh inngaihtuah kan lo nih ve theihna kawng eng engte nge awm?
- ❸ Israel hnamin an thlahtute a tang an neih pakhat chu “shekinah” an ti a, Pathian ropuina hmuh theiha lo lang tihna a ni. (*Exod. 40:34–38*). Pathian ropuizia a taka hmuh theih eng nge i neih ve le? A awm ngei a ni tih leh, a ropui a ni tih hi mita i hmuh kher a ngâi em? Han sawi fiah teh. Chu âi pawha a awm ngei a ni tih la tichiang leh zualtu tûr chu eng nge awm? I nuna thil thleng engte khân nge Pathianin a awmpui ngei che a ni tih hrilh che?
- ❹ 2 Korin 11:16–33 hi ngun takin chhiar la. Korin khuua Paula dodâltute hi Juda Kristian, kohhran an rawn zawm hnua hruaitu dinhmun luah tum tlat tumte an ni, a chhan pawh Abraham thlah niin, Gentail Kristiante âia chungnung zâwk nia an inhriat vâng a ni. Paula erawh chuan an chhandamna chungchângah leh LALPA hmâa an dinnaah Juda an ni emaw, Gentail an ni emaw eng mah inthliar hranna a awm lohzia a hre chiang hle thung

a. Keimahni ang bawka Pathian nêna thuthlung inlaichînnaa chanvo nei ve tho mi dangte lakah hian eng tin nge chungnung zâwk tlat niin kan inhriat ve theih le? Eng tin nge mi dangte laka beisei kan neih tlatte hian kohhran rawngbâwlna a tihbahlah ðhin?

⑤ Thuthlung Hlui lehkhavute leh Thuthlung Thar lehkhavute hian Pathian mite chu a mo niin an sawi ve ve a (*Isa. 62:5 en rawh*). Inneihna thutiam bawhchhiatna chu Pathian thu zawm loh entûrna atân hman niin, inneihna thutiam bawhchhiat a nih chuan thinlung a keh chhe ðhin. He tehkhin thu hi i nunah khân lo hmehbel la, eng tiangin nge kohhran leh Krista inzawmna hi i lo tichak ve le? Mo, kohhran nihna hian eng tiangin nge kohhran member tinte mawhphurhna a chhâwk zângkhâi le?

⑥ Eng tiangin nge thuthlung thar hian Israel-te âia mo “þha zâwk” ni thei tûrin min ðanpui? Pi leh pute atanga Pathian hnam thlan kan nih lohna hian Krista mo kan nihna kawngah mi a pui nge nia mi a tihual zâwk? Han saw fiah teh